



OFICINA REXISTRO XERAL-CONCELLO DE  
CABANAS

Entrada

Nº. 201600000002358 21/11/2016 08:09:51

D. **Delfín Feal Pereira**, concelleiro/voceiro do Grupo Municipal Socialista do Concello de Cabanas, en base ó disposto nos artigos 91.4 e 97.3 do Regulamento de Organización, Funcionamento e Réxime Xurídico das entidades locais e demais normativa que poida resultar de aplicación, presenta para o seu debate e aprobación a seguinte **MOCIÓN sobre a INTOLERANCIA AO GLUTEN en base á seguinte:**

### EXPOSICIÓN DE MOTIVOS

Segundo estudos realizados pola Federación de Asociacións de Celíacos de España, unha de cada 150 persoas é intolerante ao glutén do trigo, cebada, kamut, avea, triticale e centeo.

Esta condición coñécese como celiaquía. Trátase dunha enfermidade autoinmune na que se produce unha atrofia das vilosidades intestinais que impide a correcta absorción dos alimentos e os nutrimentos.

No caso do paciente celíaco, cando inxire glutén, as células do sistema inmune reaccionan de forma anómala producindo anticorpos contra a mucosa do intestino resultando un dano para a mesma.

O único tratamento que existe hoxe en día é unha dieta estrita sen glutén de por vida e cuxo cumprimento continuado produce melloría dos síntomas e evita ou diminúe a aparición de enfermidades e complicacións asociadas.

Pero non resulta sinxelo pois non sempre é posible encontrar alimentos sen glutén debido á falta de diversidade suficiente, nin identificalos como tales debido a ausencia dun selo público único que os identifique.

Ademais os alimentos sen glutén son moito más caros que os convencionais ata o extremo de que frecuentemente se verifica a chamada regra do 300% que evidencia a enorme variación de prezos que soportan os celíacos.

Diferentes estudos sinalan que unha familia cun celíaco entre os seus membros pode incrementar o seu gasto na cesta da compra uns 33 euros semanais, isto é, uns 132 euros



GRUPO MUNICIPAL SOCIALISTA  
CONCELLO DE CABANAS

Rúa do Concello, 3. Planta Baixa  
15621 CABANAS (A Coruña)  
981 495 959



mensuais e 1.584 euros ao ano. Só fai falta ver uns exemplos para ver as diferenzas de prezos. Por exemplo un Kg de macarróns de 0.95 euros a 2.19 euros os sen glute ou unhas galletas de 0.76 a 1.91 euros ou unha simple barra de pan de 0.36 a 1.80 e así moitos produtos.

As axudas económicas para a compra de produtos especiais sen glute en España non existen. Sen embargo nalgúns Comunidades Autónomas como en Navarra, País Vasco ou Extremadura sí se está concedendo algún tipo de axuda, ben económica o ben por medio de lote.

A celiaquía non está suficientemente normalizada e non existe a información e o respaldo adecuado dos establecementos hostaleiros o que se traduce nunha maior dificultade para o acceso das persoas afectadas as opcións habituais de ocio e turismo.

Isto implica que as reaccións sociais e actividades que poidan suceder no día a día entre afectados, familiares e amigos adquiran unha especial complexidade e rematen afectando tamén á parte máis cognitiva, emocional e de autoestima da persoa celíaca.

Resulta necesario un apoio decidido por parte das administracións que impulsen a mellora da calidade de vida das persoas celíacas, así como o acceso informado e seguro dos alimentos sen glute de maneira normalizada, o que necesariamente regule ademais un apoio económico que compense as diferenzas de prezos co fin de preservar o seu dereito a saúde.

Naturalmente as administracións locais, no ámbito das súas competencias tamén deben colaborar coa consecución de tales obxectivos.

Polo tanto e deber deste Concello contemplalas e contribuír a mellorar o benestar dos seus veciños e veciñas en materia de igualdade e solidariedade

E por todo isto e en apoio do colectivo de celíacos o Grupo Municipal Socialista propón a o Pleno do Concello de Cabanas a adopción dos seguintes :



## ACORDOS

1. Declarar o apoio unánime e solidario do Concello de Cabanas aos enfermos celíacos, familiares, asociacións e resto de axentes cos que interactúan.
2. O Concello de Cabanas instará á Xunta de Galicia e ao Goberno de España a establecer políticas para a normalización e igualdade das persoas celíacas que inclúan a elaboración dun catálogo de alimentos sen glute gratuito e de libre acceso, as provisións de información sobre a enfermidade celíaca en centros educativos, residencias de anciáns, e calquera outro organismo público de características similares e o apoio a investigación médica pública sobre a celiaquía.
3. O Concello de Cabanas facilitará menús libres de glute aptos para celíacos en aqueles servicios da súa competencia e en eventos organizados polo Concello.
4. O Concello de Cabanas incluirá na súa páxina oficial aqueles establecementos hostaleiros que incorporen nas súas cartas de servicios, alimentos sen glute para celíacos, así como en futuras guías que se elaboren no Concello.
5. Que se estableza unha nova liña de axudas municipais, ata a implementación dun plan de alcance superior Autonómico ou Estatal, para as familias celíacas do Concello e para elo se encargue aos servicios técnicos municipais a redacción das bases que teñen que regular a concesión de ditas axudas así como destinar unha partida presupostaría para o ano 2017.

En Cabanas, a 21 de novembro de 2016

**Asdo. D Delfín Feal Pereira**

Concelleiro/Voceiro do  
GRUPO SOCIALISTA  
do Concello de Cabanas